

रुपहिआव साहित्य अकाडेमिनि आबौ खबाम राजा उत्तम

चन्द्र खेरकातारि बिबुंथि होनाय हाबाफारि खुंदों

उत्तम चन्द्र खेरकातारिआ बर' आगे असमीया राव-थुनलाइनि
गोरोबलाइनायनि दालां लुनो नाजादोंमोन: सिताराम बसुमतारि

भवानिपुर, 24 आगस्ट: "बर'
आगे असमीया रावनि सिबिगिरि
उत्तम चन्द्र खेरकातारिआ
मोननैबो रावआव थुनलाइ
सोरजिनानै बर' आगे असमीया
राव, थुनलाइनि जौगाथायनि
थाखाय गोबां वाउसोमनाय आगे
(□ 5 बिलाइआव)



रुपहिआव साहित्य अकाडेमिनि आबौ खबाम राजा उत्तम चन्द्र खेरकातारि बिबुंथि होनाय हाबाफारि खुंदों

बिहोमा होलांदों। धोरोम, थुनलाइ, हारिमुआ बिथांनि गुबै लोगोमोन। मोनसे जिउआरि, हारिमुवारिनि
समायना समाज गायसन्नो थाखाय बिथाड अरय सम धोरोम, हारिमुनि गोबां खस्ट आगे वाउसोमनायजों
नाजाबोदोंमोन। बर' आगे असमीया मोननैबो रावआव थुनलाइ सोरजिनानै बिथांनि सोरजिथायनि
गेजेरजों फोसावजादोंमोन समाजारि गोजोन, जिउआरि, खौसेथि गायसन्नायनि उदां खावलायनाय।
बर' आगे असमीया हारिनि थाखाय बिथाडव गोबां खामानि मावलांदों। उत्तम चन्द्र खेरकातारिआ
बर' आगे असमीया राव-थुनलाइनि गोरोबलायनायनि दालां लुनो नाजादोंमोन। उत्तम चन्द्र खेरकातारिनि
जौगा सोरजिथायनि सोमोन्दै थि महरै सावरायनाया एसे गोबावजों जानो हमदों। मोजां आयदादि-
साहित्य अकेडमिआ उत्तम चन्द्र खेरकातारिनि सोरजिथायसिम नोजोर होदों। उत्तम चन्द्र खेरकातारि
सोरजिथायखौ गोदान जोलैया बजबनानै लाननो हानाय बायदियै बिथांखि लानो नांगोन।" बे
बाथाखौ बुडो बर' थुनलाइ आफादनि लेडाइ आफादगिरि आगे गथ 'सा थुनलाइ एकाडेमिनि
बान्था मोनगिरि थुनलाइगिरि सिताराम बसुमतारिआ। दिनै बाक्सा जिल्लानि सालबारिनि खाथियाव
थानाय रुपहिआव खुंनाय "आबौ खबाम राजा उत्तम चन्द्र खेरकातारिनि जिउ आगे खामानि
मावनाय" आयदानि बिबुंथिहोनाय हाबाफारिखौ बेखेवनानै गावनि बिबुंथियाव सिताराम
बसुमतारिआ बे बाथाखौ बुडो। मख 'नो गोनादि, रुपहि जुनियर फरायसालिमानि सावराय
न 'ब्लाडव भारत सरकारनि हारिमुवारि बिफाननि साहित्य अकाडेमिनि बान्जायनायाव, रुपहिनि
बाथोन थुनलाइयारि गौथुम आगे आबौ खबाव राजा उत्तम चन्द्र खेरकातारि ट्रस्टनि हेफाजाबाव
बे बिबुंथि होनाय हाबाफारिखौ खुंनाय जायो। सालबारि जिल्ला बर' थुनलाइ आफादनि
आफादगिरि दम्बरुधर बसुमतारिनि दैदेन्नायाव खुंनाय हाबाफारिनि बेखेवजेन्नाय मेलाव कलकातानि
साहित्य अकाडेमिनि बिबानगिरि क्षेत्रबासि नाइकआ होनाय बराय बिबुंथियाव उत्तम चन्द्र
खेरकातारिखौ सुबुंथिबादि सुबुं होन्ना फोरमायनानै "उत्तम चन्द्र खेरकातारिआ सोरजिनाय बर'
आगे असमीया रावनि थुनलाइखौ माहारियारि थाखोलिम लानो थाखाय इराजि आगे हिन्दी
रावसिम रावसोलायायनि गोनांथि दं" होन्नानै बुडो। साहित्य अकाडेमि बान्था मोनगिरि
थुनलाइगिरि आगे साहित्य अकाडेमिनि बर' बोसोनगिरि आफादनि सोद्रोमा जयश्री बर'आ
थांखि बेखेवनाय आगे आयदाफारि दैखानाय बे बिबुंथिहोनाय हाबाफारिनि बेखेवजेन्नाय मेलाव
सावायख 'र जासिनाय बिबुंथि होयो आबौ खबाव राजा उत्तम चन्द्र खेरकातारि ट्रस्टनि लिंथुमगिरि
दैमालु खेरकातारिआ। बेखेवजेन्नाय हाबाफारिनि सिगां रुंसारि थुनलाइगिरि उत्तम चन्द्र खेरकातारिनि
सावगारियाव मान बाउनाय हाबाफारिखौ बेखेवनानै होयो बिटिसिनि सालबारि बियाबनि
एमसिएलएल जय मुसाहारीआ। मख 'नो गोनादि, बिबुंथि होनाय हाबाफारियाव रुपहि जुनियर
फरायसालिमानि गोरायुं जतिन्द्र गयारीनि दैदेन्नायाव खुंनाय गिबि जथुमाव थिखानाय आयदानि
सायाव बिबुंथि होयो फारियै- बिइसबि फरायसालिमानि लोगो प्रफेसार डू अरुन बर', बरमा
फरायसालिमानि लोगो प्रफेसार डू रैरुप बरहम आगे खन्थाइगिरि-थुनलाइगिरि सबिराम बर'आ।
गुबुन फार्सेथि, बर' थुनलाइ आफादनि मिरुनि मावफुं सोद्रोमा राजेन्द्र बसुमतारिनि दैदेन्नायाव
खुंनाय बिबुंथि होनाय हाबाफारिनि नैथि जथुमाव बेंतल फरायसालिमानि लोगो प्रफेसार डू
मल्लिका बसुमतारि, सालबारि फरायसालिमानि लोगो प्रफेसार डू रसेन मुसाहारी आगे बड'लेण्ड
मुलुगसोलोंसालिनि रिसार्चा उदांसि नार्जरीआ थिखानाय आयदानि सायाव बिबुंथि होयो। बिबुंथि
होनाय हाबाफारियाव माखासे गागि खन्थाइगिरि आगे असमीया रावनि खन्थाइ फरायथिनाय जायो। □